

Odbor za zdravstvo

Одбор за здравство

Broj: 01/23-02-2090/25-2

Datum: 20. 11. 2025. godine

**PREDSTAVNIČKOM DOMU
PARLAMENTA FEDERACIJE BiH**

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primijeno: 20-11-2025			
Org. jed.	Broj	Priloga	Vrijednost

Odbor za zdravstvo Predstavničkog doma Parlamenta Federacije Bosne i Hercegovine 19. 11. 2025. godine održao je 19. sjednicu Odbora. Sjednici Odbora prisustvovalo je šest članica i članova Odbora, tako da su ispunjeni uslovi u pogledu kvoruma i odlučivanja.

Na 19. sjednici Odbora za zdravstvo Predstavničkog doma Parlamenta FBiH predložen je i jednoglasno usvojen sljedeći:

DNEVNI RED

1. Usvajanje zapisnika sa 18. sjednice Odbora za zdravstvo,
2. Inicijativa za izmjenu Zakona o liječenju neplodnosti biomedicinski potpomognutom oplodnjom ("Službene novine Federacije BiH", broj: 69/07, 27/08 i 26/20), koju je pokrenula Ajla Milišić- Pepić, zastupnica u Predstavničkom domu PFBiH, broj: 05/1-02-618/25 od 29. 10. 2025. godine,
3. Inicijativa za dopunu Zakona o zdravstvenoj zaštiti Federacije BiH, koju su pokrenule Bisenija Mušedinović i Edita Mazić, zastupnice u Predstavničkom domu PFBiH, broj: 05/1-02-475/25 od 29. 9. 2025. godine,
4. Prijedlog rezolucije o dijabetesu Parlamenta Federacije Bosne i Hercegovine, koju su pokrenuli Alma Kratina i Luka Faletar, zastupnici u Predstavničkom domu PFBiH, broj: 01/23-02-1050/25 od 3. 10. 2025. godine,
5. Inicijativa za parlamentarnu reviziju procesa formiranja i ažuriranja federalne liste lijekova i utvrđivanja uzroka previsokih cijena lijekova, koju je pokrenuo Dennis Gratz, zastupnik u Predstavničkom domu PFBiH, broj: 05/1-02-580/25 od 23.10.2025. godine,
6. Prijedlog Odluke o prihvatanju zaduženja po Okvirnom Sporazumu o zajmu između Razvojne banke Vijeća Evrope (CEB) i Bosne i Hercegovine za realizaciju Podprojekta rekonstrukcija i opremanje dvije psihijatrijske bolnice u Federaciji BiH (Sarajevo i Mostar),
7. Inicijativa za dopunu člana 10. stav 1. tačka 4. Zakona o zaštiti stanovništva od zaraznih bolesti ("Službene novine FBiH", br. 29/05), kao i donošenje podzakonskog akta shodno navedenom članu, koju je uputila Edina Halilović, sanitarni inspektor Grada Tuzle, broj: 01/23-02-1772/25 od 22. 9. 2025. godine,
8. Dopis Uruženja "Renesansa", koju je uputila Enida Glušac, predsjednica Udruženja, broj: 01/23-45-2033/25 od 27.10.2025. godine,
9. Zahtjev za hitno reagovanje na Odluku o obustavi sufinansiranja pruženih zdravstvenih usluga i nabavke lijekova- zahtjev za poništenje odluke i uspostavljanje kontinuiranog finansiranja, koji su uputila udruženja okupljena oko Inicijative "Glasaj za život" i Udruženje oboljelih od raka prostate FBiH, broj: 01/23-02-2032/25, od 27. 10. 2025. godine,
10. Inicijativa za reviziju liste lijekova Fonda solidarnosti FBiH i pitanja u vezi sa navedenom inicijativom, koju je pokrenula Begajeta Čaušević, zastupnica u Predstavničkom domu PFBiH, broj: 05/1-02-626/25 od 29. 10. 2025. godine,

11. Izjašnjenje u vezi sa žalbom Ž-SA-04-1532/25 koje je uputila Institucija ombudsmena za ljudska prava BiH, broj: 01/25-02-2032/25 od 3. 11. 2025. godine,
12. Tekuća pitanja.

Na osnovu člana 44. stav 2. a u vezi sa članom 78. Poslovnika Predstavničkog doma Parlamenta Federacije BiH, Odbor podnosi sljedeći:

I Z V J E Š T A J

Ad-1

Usvajanje zapisnika sa 18. sjednice Odbora za zdravstvo

Zapisnik sa 18. sjednice Odbora za zdravstvo jednoglasno je usvojen.

Ad-2

Inicijativa za izmjenu Zakona o liječenju neplodnosti biomedicinski potpomognutom oplodnjom ("Službene novine Federacije BiH", broj: 69/07, 27/08 i 26/20, koju je pokrenula Ajla Milišić- Pepić, zastupnica u Predstavničkom domu PFBiH, broj: 05/1-02-618/25 od 29. 10. 2025. Godine

Odboru za zdravstvo obratila se Ajla Milišić- Pepić, zastupnica u Predstavničkom domu PFBiH u vezi sa podnesenom Inicijativom za izmjenu Zakona o liječenju neplodnosti biomedicinski potpomognutom oplodnjom ("Službene novine Federacije BiH", broj: 69/07, 27/08 i 26/20). Federalni ministar zdravstva Nediljko Rimac, kao i savjetnik federalnog ministra zdravstva Ivica Ćosić upoznali su Odbor za zdravstvo o mišljenju Federalnog ministarstva zdravstva na podnesenu Inicijativu.

Nakon iznesenih stavova predstavnika Federalnog ministarstva zdravstva, Ajla Milišić- Pepić, zastupnica u Predstavničkom domu PFBiH, povukla je podnesenu Inicijativu. Zbog svega navedenog, Odbor za zdravstvo nije se izjašnjavao.

Ad-3

Inicijativa za dopunu Zakona o zdravstvenoj zaštiti Federacije BiH, koju su pokrenule Bisenija Mušedinović i Edita Mazić, zastupnice u Predstavničkom domu PFBiH, broj: 05/1-02-475/25 od 29. 9. 2025. godine

Odboru za zdravstvo obratila se Bisenija Mušedinović, zastupnica u Predstavničkom domu PFBiH u vezi sa podnesenom Inicijativom za dopunu zakona o zdravstvenoj zaštiti Federacije BiH, broj: 05/1-02-475/25 od 29. 9. 2025. godine. Federalni ministar zdravstva Nediljko Rimac kao i savjetnik federalnog ministra zdravstva Ivica Ćosić, upoznali su Odbor za zdravstvo o mišljenju Federalnog ministarstva zdravstva na podnesenu Inicijativu.

Prisutni članovi i članice Odbora za zdravstvo razmotrili su navedenu tačku dnevnog reda i jednoglasno usvojili sljedeće:

Z A K L J U Č K E

1. Odbor za zdravstvo podržava ideju iz Inicijative za dopunu Zakona o zdravstvenoj zaštiti Federacije BiH, koju su pokrenule Bisenija Mušedinović i Edita Mazić, zastupnice u Predstavničkom domu PFBiH, broj: 05/1-02-475/25 od 29. 9. 2025. godine, a koja se odnosi na osiguravanje prava na zdravstvenu zaštitu za osobe koje su žrtve nasilja i koje su smještene u sigurne kuće,
2. Odbor za zdravstvo poziva Federalno ministarstvo zdravstva da utvrdi način na koji će biti osigurana zdravstvena zaštita osobama smještenim u sigurnim kućama.

Ad-4

Prijedlog rezolucije o dijabetesu Parlamenta Federacije Bosne i Hercegovine, koju su pokrenuli Alma Kratina i Luka Faletar, zastupnici u Predstavničkom domu PFBiH, broj: 01/23-02-1050/25 od 3. 10. 2025. godine

Odbor za zdravstvo upoznala je Alma Kratina, zastupnica u Predstavničkom domu PFBiH u vezi sa podnesenim Prijedlogom rezolucije o dijabetesu Parlamenta Federacije Bosne i Hercegovine, broj: 01/23-02-1050/25 od 3. 10. 2025. godine. Federalni ministar zdravstva Nediljko Rimac kao i savjetnik federalnog ministra zdravstva Ivica Čosić, upoznali su Odbor za zdravstvo o mišljenju Federalnog ministarstva zdravstva na podneseni Prijedlog rezolucije o dijabetesu Parlamenta FBiH.

Prisutni članovi i članice Odbora za zdravstvo detaljno su razmotrili navedenu tačku dnevnog reda i jednoglasno usvojili sljedeći:

ZAKLJUČAK

Odbor za zdravstvo podržava donošenje rezolucije o dijabetesu Parlamenta FBiH, a njen sadržaj će predlagači rezolucije usaglasiti sa Federalnim ministarstvom zdravstva i Odborom za zdravstvo Predstavničkog doma PFBiH te zaključkom Predstavničkog doma PFBiH.

Ad-5

Inicijativa za parlamentarnu reviziju procesa formiranja i ažuriranja federalne liste lijekova i utvrđivanja uzroka previsokih cijena lijekova, koju je pokrenuo Dennis Gratz, zastupnik u Predstavničkom domu PFBiH, broj: 05/1-02-580/25 od 23. 10. 2025. godine

Predstavnici Federalnog ministarstva zdravstva i Zavoda zdravstvenog osiguranja i reosiguranja FBiH izvijestili su Odbor za zdravstvo o mišljenju Federalnog ministarstva zdravstva i Zavoda zdravstvenog osiguranja i reosiguranja FBiH na predmetnu Inicijativu.

Prisutni članovi i članice Odbora za zdravstvo razmotrili su navedenu tačku dnevnog reda te sa tri glasa za i tri *suzdržana* nisu podržali podnesenu Inicijativu.

Ad-6

Prijedlog Odluke o prihvatanju zaduženja po Okvirnom Sporazumu o zajmu između Razvojne banke Vijeća Evrope (CEB) i Bosne i Hercegovine za realizaciju Podprojekta rekonstrukcija i opremanje dvije psihijatrijske bolnice u Federaciji BiH (Sarajevo i Mostar)

Uvodno izlaganje o Prijedlogu Odluke o prihvatanju zaduženja po Okvirnom Sporazumu o zajmu između Razvojne banke Vijeća Evrope (CEB) i Bosne i Hercegovine za realizaciju Podprojekta rekonstrukcija i opremanje dvije psihijatrijske bolnice u Federaciji BiH (Sarajevo i Mostar) iznio je Senad Dropić, predstavnik Federalnog ministarstva finansija.

Prisutni članovi i članice Odbora za zdravstvo razmotrili su navedenu tačku dnevnog reda te sa tri glasa za i tri *suzdržana* nisu podržali Prijedlog Odluke o prihvatanju zaduženja po Okvirnom Sporazumu o zajmu između Razvojne banke Vijeća Evrope (CEB) i Bosne i Hercegovine za realizaciju Podprojekta rekonstrukcija i opremanje dvije psihijatrijske bolnice u Federaciji BiH (Sarajevo i Mostar).

Ad-7

Inicijativa za dopunu člana 10. stav 1. tačka 4. Zakona o zaštiti stanovništva od zaraznih bolesti („Službene novine FBiH“, br. 29/05), kao i donošenje podzakonskog akta shodno navedenom članu, koju je uputila Edina Halilović, sanitarni inspektor Grada Tuzle, broj: 01/23-02-1772/25 od 22. 9. 2025. godine

Predstavnici Federalnog ministarstva zdravstva upoznali su Odbor za zdravstvo o mišljenju na predmetnu Inicijativu. Prisutni članovi i članice Odbora za zdravstvo razmotrili su navedenu tačku dnevnog reda i jednoglasno usvojili sljedeći:

ZAKLJUČAK

Odbor za zdravstvo podržava ideju iz Inicijative za dopunu člana 10. stav 1. tačka 4. Zakona o zaštiti stanovništva od zaraznih bolesti („Službene novine FBiH“, br. 29/05), kao i donošenje podzakonskog akta u skladu sa navedenim članom, koju je uputila Edina Halilović, sanitarni inspektor Grada Tuzla, broj: 01/23-02-1772/25 od 22. 9. 2025. godine te predlaže Federalnom ministarstvu zdravstva da pronade način za realizaciju predmetne Inicijative.

Ad-8

Dopis Udruženja „Renesansa“, koju je uputila Enida Glušac, predsjednica Udruženja, broj: 01/23-45-2033/25 od 27. 10. 2025. godine

Prisutni članovi i članice Odbora za zdravstvo su zajedno sa predstavnicima Federalnog ministarstva zdravstva razmotrili dopis Udruženja „Renesansa“, koji je uputila Enida Glušac, predsjednica Udruženja, broj: 01/23-45-2033/25 od 27. 10. 2025. godine i jednoglasno usvojili sljedeći:

ZAKLJUČAK

Odbor za zdravstvo poziva Vladu Federacije BiH i Federalno ministarstvo zdravstva da pokrenu screening programe zloćudnih bolesti.

Ad-9

Zahtjev za hitno reagovanje na odluku o obustavi sufinansiranja pruženih zdravstvenih usluga i nabavke lijekova- zahtjev za poništenje odluke i uspostavljanje kontinuiranog finansiranja, koji su uputila udruženja okupljena oko Inicijative „Glasaj za život“ i Udruženje oboljelih od raka prostate FBiH, broj: 01/23-02-2032/25 od 27. 10. 2025. godine

Odbor za zdravstvo izvijestila je Vlatka Martinović, direktorica Zavoda zdravstvenog osiguranja i reosiguranja FBiH, kao i Suad Bijedić, zamjenik direktora Zavoda zdravstvenog osiguranja i reosiguranja FBiH, o mišljenju na podneseni Zahtjev. Odbor za zdravstvo upoznat je od Zavoda zdravstvenog osiguranja i reosiguranja FBiH da Zavod nastavlja finansirati sve zdravstvene usluge i lijekove iz svoje nadležnosti u skladu sa osiguranim sredstvima u Finansijskom planu Zavoda za 2025. godinu te da će se svi zahtjevi koji budu podneseni tokom vremena kada sredstva nisu dostupna, biti riješeni odmah po usvajanju novog finansijskog plana, kako je to precizirano odredbama Odluke o obustavi sufinansiranja pruženih zdravstvenih usluga i nabavke lijekova.

Prisutni članovi i članice Odbora za zdravstvo detaljno su razmotrili navedenu tačku dnevnog reda i jednoglasno usvojili sljedeće:

ZAKLJUČKE

1. Odbor za zdravstvo je konstatirao da Odlukom o obustavi sufinansiranja pruženih zdravstvenih usluga i nabavke lijekova nije prestalo finansiranje lijekova i zdravstvenih usluga iz nadležnosti Zavoda zdravstvenog osiguranja i reosiguranja FBiH, a da će svi zahtjevi koji budu podneseni tokom perioda kada sredstva nisu dostupna, biti riješeni odmah po usvajanju novog finansijskog plana, kako je to precizirano odredbama Odluke o obustavi sufinansiranja pruženih zdravstvenih usluga i nabavke lijekova.

2. Odbor za zdravstvo pokreće inicijativu prema Vladi Federacije BiH da se dio finansijskih sredstava prilikom raspodjele prihoda od indirektnih poreza po osnovu naplaćenog PDV-a na lijekove i medicinska sredstva koji je namijenjen Federaciji BiH usmjeri na fondove zdravstvenih osiguranja u cilju finansiranja zdravstvene zaštite osiguranih osoba.

Ad-10

Inicijativa za reviziju liste lijekova Fonda solidarnosti FBiH i pitanja u vezi sa navedenom inicijativom, koju je pokrenula Begajeta Čaušević, zastupnica u Predstavničkom domu PFBiH, broj: 05/1-02-626/25 od 29. 10. 2025. godine

Uvodno izlaganje o navedenoj tački dnevnog reda iznijela je Begajeta Čaušević, zastupnica u Predstavničkom domu PFBiH, a u vezi sa podnesenom Inicijativom za reviziju liste lijekova Fonda solidarnosti FBiH i pitanja u vezi sa navedenom inicijativom, broj: 05/1-02-626/25 od 29. 10. 2025. godine. Federalni ministar zdravstva Nediljko Rimac kao i savjetnik federalnog ministra zdravstva Ivica Ćosić upoznali su Odbor za zdravstvo o mišljenju Federalnog ministarstva zdravstva na podnesenu Inicijativu, kao i da je u toku revizija liste lijekova Fonda solidarnosti.

Prisutni članovi i članice Odbora za zdravstvo razmotrili su navedenu tačku dnevnog reda i jednoglasno usvojili sljedeći:

ZAKLJUČAK

Odbor za zdravstvo podržava Inicijativu za reviziju liste lijekova Fonda solidarnosti FBiH, koju je pokrenula Begajeta Čaušević, zastupnica u Predstavničkom domu PFBiH, broj: 05/1-02-626/25 od 29. 10. 2025. godine.

Ad-11

Izjašnjenje u vezi sa žalbom Ž-SA-04-1532/25 koje je uputila Institucija ombudsmena za ljudska prava BiH, broj: 01/25-02-2032/25 od 3. 11. 2025. godine

Odbor za zdravstvo je zajedno sa predstavnicima Federalnog ministarstva zdravstva i Zavoda zdravstvenog osiguranja i reosiguranja FBiH detaljno razmotrio navedenu tačku dnevnog reda te jednoglasno usvojio sljedeći:

ZAKLJUČAK


Odbor za zdravstvo je konstatirao da Odlukom o obustavi sufinansiranja pruženih zdravstvenih usluga i nabavke lijekova nije prestalo finansiranje lijekova i zdravstvenih usluga iz nadležnosti Zavoda zdravstvenog osiguranja i reosiguranja FBiH, a da će svi zahtjevi koji budu podneseni tokom perioda kada sredstva nisu dostupna, biti riješeni odmah po usvajanju novog finansijskog plana, kako je to precizirano odredbama Odluke o obustavi sufinansiranja pruženih zdravstvenih usluga i nabavke lijekova.

Ad-12

Tekuća pitanja

Odbor za zdravstvo nije imao rasprave po navedenoj tački dnevnog reda.

Za izvjestioca u Predstavničkom domu Parlamenta FBiH određen je gosp. Goran Opsenica, predsjednik Odbora.

PREDSJEDNIK ODBORA

Goran Opsenica